

**塞鼻** 上貢反思則反下鼻病也 **一病** 古作痘 **禿** 他谷反無髮也 **跛** 必反也 **不行** 於武反 **不僵** 曲疾也 **不贊** 必促反腳 **萎** 於朝問也

吳卜刊

## 正法華經卷第九

西晉三藏竺法護譯

在九

所趣於時世尊而歎頌曰  
其持此經卷 勇猛處衆會 所說不怯弱  
且聽斯名德 八百諸名稱 清淨目明朗  
若已離諸垢 其眼所覺普 彼則以肉眼  
而從父母生 觀諸佛世界 普見超神仙  
諸山須弥山 又觀于鐵圍 幷諸陵丘阜  
而復察大海 默證住一處 普瞻靡不達  
下至無可獄 肉眼爲若斯 尚未獲天眼  
亦不覩了知 肉眼之境界 根且覺輕便

佛復告常應時菩薩大士若族姓子族  
余時世尊告常應時菩薩大士若族姓子族  
姓女受是經典持讀書寫當得十眼功德之  
本八百名稱千二百耳根千二百鼻根千二  
百舌根千二百身行千二百意淨是爲無數  
百千品德則能嚴淨六根功祚彼人若令眼  
根清淨而以肉眼覩諸所有滿三千大千世  
界諸味石蜜叢樹下至無可大地獄中上至  
三十三天一切普見悉能攝取故曰肉眼若

武陽高桂州  
有衆庶生其中者皆悉見之咸曉了知罪福  
捷沓和阿須倫迦留羅真陀羅摩休勒聲火

大地獄上至三十三天超外神仙所謂聞者  
象聲馬聲牛聲伎樂聲車聲啼哭聲愁歎聲  
鼓聲鐘聲歌舞聲戲笑聲男聲女聲幼童  
聲童女聲風聲奇妙聲正法聲非法聲樂聲  
苦聲力聲志性聲柔聲鹿聲天聲龍聲鬼神  
捷沓和阿須倫迦留羅真陀羅摩休勒聲火

聲水聲地中聲比丘聲聲聞聲菩薩聲如來聲三千大千世界所有音聲內外通徹一切清淨以肉耳根悉聞衆生所說音聲尚未得天耳而悉普聞曉了萌類諸聲亦不思惟觀察黎庶本末所由又耳悉聞亦不求索一切音聲又而順聞巍巍如是常應時菩薩大士未得天耳而耳所聽乃如斯也佛說此已欲重解義從後頌曰

鮮潔揔攝 若干品類 清淨之耳 千有二百於是以是聽省 聞其音聲 無有遺餘有六情者 則而聽聞 車牛諸乘 象馬音聲拍手擊鼓 悲好音樂 鏡鏡揩拂 亦復如是

伎樂柔和 其音殊好 雖在於彼 無所染着聞無數人 諸可講說 彼人等倫 所當分別皆聞諸天 天耳所聽 常而降伏 甘美柔和男子女人 諸啼哭聲 童男童女 所可作爲哀鸞之音 及赤嘴鷗 鴉鵠鴛鴦 及與鸚鵡其有棲跱 於山林者 悉得聽聞 斯類音聲

地獄之中 勤苦毒痛 悲哀嗚呼 所酷苦響思想飯食 所至求索 興作發起 所出音聲諸阿須倫 居在于海 諸響暢逸 而各各異於時法師 停住於此 有語言者 尋時普聞畜生餓鬼 勞飢渴聲 各各講說 或鳴或吼彼時法師 默如立斯 則得聽聞 若干音聲其梵天上 所居諸天 光音天上 善究竟天及餘奇特 各各異聲 法師普得 悉聞此響在安住世 而出捨家 諸比丘衆 調誦所行分別現說 他人志性 法師悉聞 是等說經諸菩薩衆 處斯境界 所可諷誦 爲他人說可集結義 以爲經典 悂得普聞 若干種音其佛世尊 爲人御法 而爲衆生 說無數經獨在樹下 悂得聽聞 因其菩薩能持是經一切三千 是佛國土 無數衆生 音聲暢逸若在室中 或復處外 所言塵細 悉普聆採悉聞一切 群萌音響 於諸音聲 亦無所着處處悉知 他人表裏 其耳清淨 聽徹如是

斯人尚未得天耳光適覩因緣尋能即聽於時法師功德如是學斯經卷名稱若茲佛復告常應時菩薩若族姓子族姓女有持是經卷分別說者若復諷誦書着竹帛得八百鼻功德諸根堅固鼻根清淨以是鼻根三千大千世界所有諸香皆得普聞華香柔軟香須曼香生香傅飾鬚香思夷華香青蓮紅蓮黃蓮白蓮若干樹木菓實熏陸香蘇合香華香栴檀香木蜜香青木蜜香種種衆香百千殊品處處生者諸質朴香人所嗅香男子女人童男童女香皆自聞服己身之香象馬六畜飛禽走獸香諸樹木香諸樹木間含血品類香諸媛魅香至誠香天上香比陁美香畫度樹香意香大意香柔軟香大柔軟香諸天香天宮香帝釋身香知所生處於講堂上鼓樂弦歌所當修設諸天法則爲忉利天諸天說法從地踊出自然生者歌戲利義天王女香童男女香以是因緣假生梵天諸天子等

諸大天人大梵身香其香各各從身流出諸天雜香無數百千其名各異聲聞緣覺菩薩大士如來遊居所開化香其法師者於此間住所去殊遠不到其前亦不近邊不往就嗅悉聞彼香不愛不求亦不思念亦不笮香而嗅知氣以一心住在於衆會悉分別說如是諸香心亦不著無所慕求於時世尊而歎頌曰其人鼻根清淨如是若干種香所聞甚多於是世界一切所有諸所可生香香甚好又有諸形華植之香栴檀諸香種種異品其諸華實各各異類微妙好熏衆木蜜香男子女人僮子女類其心頓處各各異品人間所生諸香參差在在滋殖青蒼雜還又知大國轉輪聖王所據柔仁自由力強於彼所有羅縷字名衆衆異香皆分別之財物珍寶若干甚多藏去着之於何所地有玉女寶及餘珍異時彼菩薩悉曉了香是等體着所有瓔珞珠環莊嚴衣服端政

或時在座 若寢牀卧 以香塗身 菩薩悉知  
歌舞娛樂 一切神足 明皓智者 鼻力悉聞  
若有奉持 此經善訓 以快妙香 及麻油香  
若干種類 及華實香 所在安住 又臭悉知  
其於某處 有此衆香 悉能分別 若干種者  
而於山巖 中間所有 無鞅數種 檀香  
又復人民 諸所有香 居止于彼 一切了知  
若轉輪王 所可愛喜 或有潛處 在于海中  
若於地穴 所生虫蛾 明者皆練 此輩衆香  
知阿須倫 妃后子女 井及臣民 皆分別識  
阿須倫王 歌舞戲笑 其鼻悉嗅 如是果報  
若於曠野 四徼道中 多有師子 虎狼龍象  
水牛眷屬 諸所種類 特牛犧牛 悉能知之  
若有女人 隨其喜樂 假使童子 及童女衆  
有若懷孕 身體疲極 以香分別 腹中男女  
復自知識 身所從來 又亦曉了 義法科律  
探覩其人 安隱苦樂 童男力勢 福應所獲  
男女所願 衆多悉知 而覩嗅別 諸所願香

已自可意 如是無盡 又復嗅別 身寂然者  
其自處在 地中諸藏 財物珍寶 金銀雜色  
柔軟珊瑚 形如紫金 所止頓處 悉嗅知之  
諸貫瓔珞 明月珠寶 坐間載有人所不及  
用鼻悉嗅 知其好醜 行來進止 别其善惡  
五 諸天在上 虛空之中 意華諸華 柔軟音華

衆會之中 所有諸華 以鼻勢力 住此悉聞  
其諸天人 所有宮殿 上妙下極 及中間宮  
種種之品 如斯色像 於此住立 鼻力嗅之  
又復分別 遊觀之園 諸天之法 衆明寂然  
亦復曉了 尊妙宮殿 諸天子等 所遊戲處  
於是建立 悉嗅天香 以香分別 諸天子黨  
住於何法 興何等行 所在遊居 悉聞其香  
諸天玉女 所畜華菓 諸寶瓔珞 周旋娛樂  
於時菩薩悉識其香 三十三天 至第一天  
諸天大梵 所遊宮殿 彼以鼻嗅 悉能知之  
住已不住 皆能曉了 諸所遠近 無不開達  
終沒若生 前世宿命 以鼻嗅之 知斯本末

其有菩薩持是經卷若有比丘順安住教常修精進靜住經行若以至誠調誦解說其彼菩薩皆悉知之亦別聲聞最勝之子常在樹下一身獨處其明詰者承臭悉覩有某比丘處於某處悉能分別所在之處其有菩薩意堅禪定常自娛樂調誦講說復爲他人講演解法於時菩薩以香覺了安住大人遊所在方愍哀行慈分別說法在其中坐弟子圍遙以香識了法王所在假使衆生得聞經法以得稟受心懷踊躍時菩薩住於此悉見安住衆會一切所在菩薩力勢如是色像尚未逮得天人之鼻自然得是本之瑞應諸天之鼻無有諸漏佛復告族姓子其有持是經典讀說書寫當獲奇異舌根千二百功德舌根具足分別諸味若得甘美變爲天上自然飲食設服酢澁醯苦化成天饌滋味無量若入衆會講授法要蒸庶欣載欽仰典則若入諱怒德音柔軟

談義辯慧清白知節慈愍通徹衆人歡和感味餘響其從聞經言論美妙天人往造釋梵四王清淨天身諸天玉女思僥往見天子龍神龍神妃后阿須倫阿須倫妃后迦留羅迦留羅妃后真陀羅真陀羅妃后摩休勒摩休勒妃后捷沓和捷沓和妃后閻义鬼神婦女在正法華經九桂

六桂

比耶反足鬼神婦女悉欲往觀誓首作禮聽受經戒問訖義歸比丘比丘尼清信士清信女國王太子大臣群僚大力豪勢轉輪聖帝尊重巍巍七寶具足太子眷屬王女采女又異梵志君子居士州城郡國縣邑營從悉欲往觀思盡形壽誓首歸命供養奉侍聽受經法言誨和淑猶如世尊如來所歎面見思察遠佛明慧深妙之要曉了如此自然而聞又知世尊所向方面坐說法時於是世尊而歎頌曰

其人舌根則悉柔軟分別諸味簡練好醜自然甘美如天飲食若干種味次第而至

音聲殊妙 語言和雅 聽受奇異 意歡喜悅  
在衆會者 莫不欽敬 又當演出 深奧音響  
其有聽聞 所說經法 觀察報應 清淨億千  
即生歡喜 晓了尊上 供奉經卷 不可計量  
諸天龍神 蛇阿須倫 常懷欽敬 欲得見之  
謙肅恭遜 詔受經典 其人名德 獨致如是  
於是世界 發意之須 皆以音聲 能遍告之  
其響柔軟 微妙殊特 深邃儒雅 而有限節  
諸天豪尊 轉輪聖帝 欲得供養 普往至所  
皇后玉女 悉俱以手 而常元元 聽稟經典  
諸所鬼神 善共宗重 天捷沓和 及諸營從  
反足女鬼 及諸男子 普悉恭敬<sup>七</sup> 皆造奉侍  
自在尊豪 梵天之王 大神妙天 及諸天子  
天帝梵尊 天子枝黨 無數玉女 悉詣其所  
世間有佛 聖明導師 聲聞弟子 悉聆妙響  
見所在處 奮然護人 察所講法 悉用欣然  
佛復告族姓子菩薩大士 若聞是經持讀書  
寫者逮得身行八百功德肌色光澤勇猛響

錄猶如瑠璃淨妙無垢所當作爲人民欽效  
容止可宗進退致益彼已無易三千大千世  
界衆生稽首爲禮普佛國土群萌好醜鮮色  
惡色生趣善惡鐵圍大鐵圍小山大山人所  
居處下至無可大地獄中上至三十三天自  
以威德普悉見之於此世界聲聞緣覺菩薩  
如來所可遊居講說經法以已威光都皆觀  
足所以者何身行清淨之所以也於時世尊  
而歎頌曰

彼人已身 所行清淨 譬如瑠璃 而無瑕玼  
爲一切人 所見愛敬 其有持此 微妙經卷  
猶如明鏡 見其面像 見世形類 亦復如是  
目覩本末 及見他人 其身清淨 如須弥山  
於斯世界 所有衆生 諸天人民 蛇阿須倫  
地獄餓鬼 及諸畜生 悉見身體 及面顏容  
諸天所有 宮殿館室 土山石山 及諸鐵圍  
雪山須弥 及諸太山 悉得覩見 其所在處  
以大威聖 瞳見諸佛 一切聲聞 及佛弟子

若有菩薩獨在屏處 所說經法 悉能知之  
其身清淨 亦復如是 悉覩見于 一切世間  
以俗之身 覺了如茲 斯人尚未 獲成聖道  
佛復告族姓子菩薩大士 如來滅度後若持  
斯經諷誦解說得千二百意根清淨德其人  
則以清淨意根靡不貫暢聞一頌者所究彌  
廣多所達了以弘覺了便能 一月講說經法  
四月一年綜練所歷憶念不忘凡俗所爲販  
賣賈作語言音聲以法皆覩次第分別不失  
其緒三千大千世界諸六趣生皆知其心所  
念善惡如應不應中爲沙門聖非聖者普見  
不應意志清淨不復思惟自然分別說法義

王法華經卷第十八

趣言皆至誠有至講者皆亦承說如來所詔  
一切割誓往古最勝經卷於時世尊而歎頌曰  
其人意根 清淨皎潔 光徹鮮明 見心所念  
猶是之故 曉若干品 瑕穢卑賤 好惡中間  
若聞一頌 能奉持者 解無央數 明誥義理  
一月四月 若至一年 所說善惡 不違至誠

於斯世界 中間所苞 若有群萌 種種品類  
諸天人民 及阿須倫 伎神異類 及諸畜生  
六道之中 所有黎元 是等思想 若干種念  
持是經者 各各異意 一時之間 悉覩知之  
諸佛大聖 百功德相 一切悉爲 世間說法  
登時所講 普得聽聞 所說清淨 即能受誦  
前世更歷 所學經卷 長夜所講 當綜解之  
有常所演 經典之要 得衆會中 無所畏憚  
其有持經 部分光揚 卒未遭值 衆想之患  
枝黨群從 悉爲良賢 意根明達 亦復如是  
菩薩所住 未曾有地 普爲衆生 分別說經  
其能受持 安住正法 巧便億宜 則知所應  
其能受持 安住正法 巧便億宜 則知所應  
正法華經常被輕慢口第第二十

於是佛告得大勢菩薩是故當知其有比丘  
比丘尼清信士清信女持斯經典假使四部  
罵詈誹謗出鹿羣辭呵制止之罪不可限設  
復有人聞是經卷受持諷誦爲他人說廣解

其義獲上妙福如斯儕類佛所答嗟眼耳鼻  
口身意清淨而無蔽礙

又告得大勢乃去往古久遠世時不可稱限  
廣遠無量不可議劫有佛号寂趣音王如來  
至真等正覺明行成爲善逝世間解無上士  
道法御天人師爲佛衆祐劫名離大財世界  
曰大柱佛語得大勢寂趣音王如來普爲諸  
天自境界人講經化導興聲聞乘演四聖諦  
度老病死使近泥洹解十二緣所由從起爲  
諸菩薩講六度無極使至無上正真道現如  
來慧所行牽連佛壽四江河沙億百千垓劫  
佛滅度後正法住立如一閻浮提億百千垓  
塵數劫其像法立如四天下億百千垓塵數  
劫又語得大勢其佛滅度後像法沒盡次復  
有佛續号寂趣音王展轉相承二十億千如  
來正真等正覺明行成爲善逝世間解無上  
士道法御天人師時此諸佛次第滅度正法  
沒已像法次盡彼世比丘憍慢自大越背法

詔有一比丘名曰常被輕慢爲菩薩學何故  
名之常被輕慢其開士見比丘比丘尼清信  
士清信女無謂之曰諸賢無得嬌慢自高所  
以者何諸賢志趣當尚菩薩如來至真等正  
覺以是方便順所緣義爲諸比丘講菩薩行  
不受所誨不肯諷誦遙見四部仍謂之曰我  
身終不輕慢諸賢仁普當學菩薩高行得至  
如來至真等正覺佛語得大勢爾時四部得  
聞此言咸興恚怒毀訾罵詈此一比丘不問  
吾等不見人心反自貢高云見人心授我等  
決當成無上正真等正覺人所不欲非常之  
事而爲人說又語得大勢若一比丘行值大  
雨蒙佛威神如被覆蓋身不漬溺雖見罵詈  
心不恚恨面色不變若聞其言增不喜者以  
瓦石擲續遙舉聲而敎之曰勿行輕慢修忍  
辱心發菩薩意所以者何爾時比丘比丘尼  
清信士清信女貞高自大數數聞見大士敎  
曰吾心常謙不輕諸賢雖見罵辱心無增減

在九

彼等四輩因共名之常被輕慢斯一大士臨欲壽終得聞寂趣音王如來講正法華經二十頌本深妙之義億百千事大士臨終踊在虛空唱揚大音歎斯經典而告之曰仁當受經亦當逮得如前淨眼耳鼻口身意亦清淨已獲斯淨更即增益二十億劫壽逮得定意復爲衆人講是經典前時四部聞其所說而毀訾之名此大士爲常被輕慢逮自大者見此大士微妙神力辯才慧力善權道力皆來歸伏敬崇爲友聽聞經法是輩等類餘不可計無數億人便立無上正真道意時彼大士壽沒之後便值二百千億如來正真此諸世尊皆爲講說正法華經稍稍進前以是德本復更值見二十億百千如來皆同一號号雷鳴音王皆從得聞如斯經典復更值遇二十億百千如來皆復同号名雷音王亦復從聞正法華經受持諷誦爲四輩說在所生處常自然獲眼淨耳淨鼻淨口淨身淨意淨視

爲四輩演斯經典分別其義佛語得大勢常被輕慢大士供養奉事若干億百千數如來已復更值無數億百千如來已復從受正法華經以是德本自致無上正真之道成最正覺得大勢菩薩欲知大士常被輕慢於寂趣音王如來之世爲四部人說經法者不平則生  
正法華經卷九  
我身是假使爾時設不受是正法華經不持諷誦爲人說者不能疾逮無上正真道成最正覺備從過去諸佛世尊聞此經典受持諷誦廣爲人說致最正覺爾時比丘比丘尼清信士清信女其一大士爲說經言我行恭敬不輕諸賢仁等當逮如來正覺道德之慧又諸四部輕彼大士罵詈形笑不自改者二十億千劫所生之處常不值佛不聞經聲又万劫中墮無可大地獄考掠燒炙痛不可言罪以畢竟從地獄出以彼大士教化之故今發無上正真道意皆得神通慧無量礙今悉現

罵大士者不今此會中威陀和等五百菩薩  
師子月等五百比丘比丘尼今在佛前五百  
清信士五百清信女等皆不退轉當成無上  
正真之道佛告得大勢此正法華經其義廣  
大威神無量一切死慶諸菩薩大士所當欽  
尚如來滅後其受斯經持諷誦讀得福如是

逮成無上正真道於是世尊而歎頌曰

今我識念 往古過事 佛名寂趣 音聲之王  
威神無量 天人所敬 為諸衆生 人民講法  
其佛最勝 滅度之後 然其止法 最末世時  
有一比丘 為菩薩行 因時号名 常被輕慢  
即時往至 於比丘衆 及比丘尼 所覩顛倒  
但勸化之 志行佛道 自宣我心 不懷憍恣  
罵詈輕毀 每見形笑 彼時常爲使聞此言  
假使得聞 此經法時 若復住立 設有所作  
時明慧者 臨欲壽終 用分別說 此正法華  
尋時報應 增益壽命 變現其身 而得自在  
處在虛空 講說經典 教化一切 悉發道意

於時大士 壽終沒後 速見諸佛 億百千垓  
稍稍漸漸 開化入法 為分別說 於斯經卷  
諸最勝子 得成爲佛 則我身是 能仁如來  
其諸比丘 口喜誹謗 衆比丘尼 及清信士  
彼時所有 諸清信女 彼蒙開化 開經解慧  
常當覩見 無數億佛 則威陀和 五百人是  
正法卷九  
諸比丘衆 及比丘尼 清信士女 今現佛前  
吾爾時悉 令聞尊法 皆開化之 使得曉了  
於今佛身 滅度之後 數數當受 奉斯經卷  
無數億億 而當思惟 未曾得聞 如是之法  
假使有佛 億百千數 常聞講說 如是比經  
是故以聞 如是像典 自在聖尊 稱讚經典  
我滅度後 若有說此 頻數當忍 受正法華  
正法華經如來神足行品第二十一

余時于彼三千世界塵數億百千垓諸菩薩  
等從地踊出者 一切悉住世尊前僉然以  
手白大聖曰如來滅後布露經典遍諸佛國  
及世尊土滅度之處於彼所在講說斯經多

所益利若有受持此妙典要誦讀書寫爲人說者德不可量於時溥首處於忍界諸菩薩無數億百千垓受比丘比丘尼清信士清信女諸天龍神捷皆和阿須倫迦留羅真陀羅摩休勒及人非人如來皆爲神足變化如來至真等正覺爲現瑞應悉得柔順法忍皆令

書寫正法華經化異世界億百千數諸菩薩等各各坐于諸寶樹下師子座上尔時能仁世尊及此一切如來正覺現其神足具足充滿百千歲中有所興立應時百千歲中功德自然而大光明滅除陰雲彈指之頃自然有聲靡不通達十方佛國一切世界六反震動

正法卷九

十三

主

諸天龍神阿須倫迦留羅真陀羅摩休勒承佛威神各隨所住無央數千佛世界普悉覩見斯忍佛土又諸如來十方無數億百千垓各各自生諸寶樹下師子座上能仁如來多寶世尊於彼七寶廟寺講堂自然嚴淨師子之座威耀顯赫無數無限不可計會億百千

妙菩薩大士及四部衆見斯變化心中愕然驚喜無量得未曾有則聞空中音聲而歌頌曰仁者欲知過是無限不可思議億百千垓諸佛世界有佛世界名曰忍土於彼有佛号能仁如來爲諸菩薩大士講正法華經方等典詔一切諸佛普護斯經用救菩薩大士以故諸賢心當質直清淨誓首歸命勸讚奉侍供養彼能仁正覺於時衆生聞虛空中自然之音有佛世尊号曰能仁適聞名稱應時义手以若干種華香衣服幢幡雜香舉手各各散忍世界瓊瑤珠璣諸寶真珠如意寶珠而供養之其華香幢蓋瓊瑤珠璣明月寶珠自然入於忍世界尋時合會爲寶華蓋在於虛空悉覆諸佛及菩薩上彼時世尊告諸異行及佛前住諸菩薩衆如來正覺功德威神不可思議諸族姓子於無數億那術百千垓劫說此經義不可究竟雖無央數若干種經所能及不可限盡欲度彼岸難得邊際諸族

姓子舉要言之假使有人欲了斯經要悉佛  
威神普諸佛法諸世尊界諸佛精進諸佛閑  
居諸佛妙力示現是經故族姓子佛滅度後  
當以懇懃求此經典受持書寫精進奉行供  
養承事爲他人說設使有人賣此經行講讀  
書寫思惟奉宣著於竹帛若在精舍齋堂室  
宅大林樹下若在水邊當起塔廟所以者何  
則爲如來所處之地觀是道場佛所坐樹則  
當察之一切如來正覺所遊群聖世雄轉法  
輪處十方諸佛在中滅度等無差特於斯世  
尊而歎頌曰

世愍哀法 不可思議 而常建立 神通之慧

而復示現 普等明目 衆生一切 悉得歡喜  
其舌神根 賽音梵天 演奮光明 億百千垓  
諸群萌類 靚見神足 怪未曾有 皆立大道  
又聖導師 與一大光 彈指之頃 宣洪音聲  
即時普告 一切佛土 周遍十方 諸佛世界  
如此變化 及餘感動 大聖所現 瑞應如是

如來余時 皆令歡喜 佛滅度後 奉是經卷  
安住宣暢 功德之法 無央數劫 不可思議  
持此經卷 福祚之限 導師咨嗟 若干無量  
欲盡其限 不得邊崖 猶如虛空 不可窮極  
名稱至德 無能思惟 持是經者 淨德常然  
則爲見佛 大聖導師 及吾於世 滅度大通  
及此一切 諸菩薩衆 幷復覩此 四部之會  
其有值遇 斯經典者 則爲遭見 今日衆會  
佛滅度時 亦復在此 及彼十方 諸佛世界  
其有能持 此經卷者 則爲覩覩 諸過去佛  
及於十方 今現在佛 目自面見 供養奉侍  
志當悅意 向人中上 在於道場 所不可思惟  
當速受持 於此經典 自然辨才 無所呈礙  
設本種命 不能長者 當分別曉 於斯法義  
便當受持 於此尊經 晓了諸經 次第所歸  
大聖世尊 滅度之後 假使有人 至誠說者  
分別此經 義理所趣 則講審諦 諸經卷義  
其人光明 分別所覺 譬如日月 普照遠近

遊於天下 在所至到 勸化發起 無數菩薩  
是故智慧 諸菩薩衆 聞如是像 經無等倫  
我滅度後 奉此經典 其人不疑 於佛大道  
正法華經藥王菩薩品第二十二

於是宿華王菩薩前白佛言藥王菩薩以何  
等故遊忍世界堪任無數勤苦之難善哉天  
尊願爲十方諸佛世界菩薩聲聞雲集於斯  
若有聞佛班宣藥王初發道心宿行功勳爲  
今衆會及後來世普聞受持追學究竟天人  
龍鬼諸尊神王僉皆悅預發大道意自致正  
覺度脫一切於時世尊見宿華王發心至誠  
爲一切諸佛讚曰善哉善哉乃爲將來諸菩  
薩施勸進後學令入道智諦聽諦聽善思念  
之唯然世尊願樂欲聞佛言乃往過去江河  
沙劫尔時有佛號離垢日月光首如來至真  
等正覺出現於世其土壽命四万二千歲教  
化衆生濟度危厄於時十方菩薩大會有八  
千億諸聲聞衆十十二江河沙等又其佛土

而無女人三惡之趣阿須倫八難之患其地  
平正紺瑠璃色衆寶校成莊嚴清淨生衆寶  
樹周廻圍達珍奇瓊瑤周帀覆蓋堅諸幢幡  
寶瓶香爐燒衆名香一切樹下設寶牀榻坐  
具嚴飾不可稱載諸坐具上有百千億諸天  
坐之鼓諸音樂歌佛功德以爲供養於時其  
佛爲諸菩薩及聲聞衆分別講說正法華經  
時有菩薩名衆生喜見聞佛敷演散解義要  
即奉佛法遵習苦行夙夜精進万二千歲經  
行不坐竟万二千歲即便逮得普現三昧逮  
是定已輒復思惟吾以逮是普現三昧便能  
致此正法華經因逮定意踊躍歡喜心自念  
言我當供養離垢日月光首如來至真奉正  
法華經即如其像三昧正受處在虛空而以  
天華雜香栴檀用供養佛應時佛所雨衆華  
雜香普薰十方諸佛世界其聞香者悉得法  
忍衆生之類和心相向衆生喜見菩薩從定  
意起重自思惟雖用雜物供養於佛不能暢

盡至真之德以身供養余乃無上尋如所念  
斷絕五穀專食衆香衆華香汁而以歟之日  
使身中內外皆香如是服香竟十二年復和  
衆香以塗其體香油潤衣而立誓願以爲身  
燈爲一切故即然其身供養諸佛以精誠故  
其光遍照八十江河沙諸佛世界應時諸佛

同聲讚曰善哉善哉族姓子精進乃余世之  
希有斯真供養如來經典乃爲衆生忍苦不  
勞超踰天人一切所行國財妻子施所不及  
供養之中爲尊爲上爲最爲長爲無疇匹以  
身施者乃成法施諸佛世尊歎是德已則便  
默然於時菩薩自然其身千二百歲火故不  
滅用一心故無有苦患於是之後火炎乃息  
勤修精進供養法故於是終沒還生其世更  
復值見離垢日月光首如來至真之士生離  
垢施國王宮內自然化生結跏趺坐而爲父  
母說此頌曰

尊王識念我本行

堅強勤修大精進

所重愛身以用施

建立住此遠三昧

說此偈已啓其父母離垢日月光首如來至  
真今故現在吾往昔時至心供養因是遠致  
了一切音惄持法要是正法華無上經典學  
中要者經卷本有八十垓百億那術妓偈當  
一心思何所造作立佛像摸而常心中而無

正法華經

卷六

十七

桂

瞋怒此正法華菩薩所行吾本宿世若干千  
億百千妓偈從彼如來而聞受之離垢施王  
讚其子曰善哉善哉當共俱往躬身當觀供  
養聖尊說此言已與父王俱踊在空中去地  
七仞經行虛空足不蹈地其身正坐七寶交  
珞珍奇帳中往詣佛所父手禮佛以頌讚曰  
人中之尊顏姿離垢其光巍巍照於十方  
吾本供養聖尊無極今復自親故來奉面  
余時衆生喜見菩薩大士說此偈已前白離  
垢日月光首如來至真出尊垂恩愍哀十方  
故復現在訓誨一切度脫衆生無不蒙賴時  
離垢日月光首如來告衆生喜見菩薩今時

已至吾欲滅度以此法教而相囑累佛因其時至所教周悉亂世欲到吾捨去矣爲佛施座今取滅度又告之曰以斯經典重相囑累普令流布等潤十方咸使一切皆蒙福慶衆生喜見則曰受教其佛夜半便取滅度於時菩薩衆生喜見見佛滅度以栴檀香奇異妙

香闇維佛身取其舍利香汁洒之感慕哀泣淚下如雨修造寶瓶八万四千立七寶塔高至梵天莊嚴幢蓋懸衆寶鈴心自念言吾已供養世尊舍利當復更事超過於前告諸菩薩及大聲聞諸天龍神一切人民諸族姓子咸共思念世尊舍利普共供養

於是佛告宿華王菩薩當尔世時衆生喜見菩薩勸率衆人供奉舍利八万四千塔於塔寺前建立形像百福德相然無數燈燒香散華光顯道法供養奉事七万二千歲供養訖竟在其衆會化無數千諸聲聞衆開諸菩薩皆令逮得普現三昧見衆菩薩建立定已自

現其身諸根缺漏諸菩薩衆及諸弟子天龍鬼神舉聲號咷淚下如雨是族姓子衆生喜見菩薩大士是我等師開化我黨今現缺減諸根不具是故悲酸不能自勝於時衆生喜見謂諸菩薩及大弟子諸天龍神吾建要誓至誠之願如我所言隨順不虛我此手臂成

正法華九

十八

桂

紫金身令我手臂平復如故地當大動於虛空中兩衆華香所言適竟地即大動天兩衆華尋時手臂平復如故衆生喜見欲度一切因示現此慧力所行福德功勲勢力所致佛告宿華王菩薩欲知爾時衆生喜見菩薩大士今藥王菩薩是又族姓子菩薩勤苦不可稱計投身棄命無有限量常建大乘志無上道興發大功無極之德於如來前然一足指功德難喻況然其身以爲供養勝施國土妻子血肉設以珍寶滿佛世界布施供養諸佛盡無益衆生若族姓子女受正法華一四句

頌分別奉行爲人解說比其福施万不如一  
猶如巨海万川皆歸此經如是一切諸法最  
爲元首猶若須弥衆山中高如盛月滿星中  
最明大慧光明照曜三界爲諸法首無上道  
王猶如日出普照天下消衆幽冥此經如是  
蠲除一切愚癡闇蔽皆入道明猶天帝釋忉  
利天上諸天中王此經如是一切諸法衆經

典主攬持十方度脫一切猶梵天王處第七

宮制御諸天莫不奉命此經如是普濟衆生  
學與不學教導三乘行君父業猶如四道及  
至緣覺皆越一切諸凡夫學正法華經亦復  
如斯皆超一切上中下乘處衆生之原化諸

四

正法華經

十九

不逮猶如菩薩所行高遠過諸聲聞緣覺之  
業覆護三世此經如是調御諸法悉令成就  
無上正真猶如世尊三界法王被道服飾三  
十二相誘衆愚蔽此經如是從菩薩學乃至  
如來開導聲聞諸緣覺等皆使成就無上正  
真猶旃姓子斯經典者爲三界護度脫衆生

危厄之難飽滿飢虛衆情之患寒者溫煖熱  
者清涼有裸露者皆得衣服開導衆生悉令  
入道猶如導師將護衆賈菩薩如是養育衆  
生若如慈母譬如船師度人往返菩薩如是  
周旋三界度脫一切滅衆闇冥猶如炬火化  
生老死猶轉輪王制御四域此經如是以聖  
道明照曜三世猶如大明消天下冥此經如  
是致不退轉無所從生忍至成佛道

佛告宿華王菩薩斯經典者度脫一切衆苦  
之患拔斷諸垢三毒疾疾救濟生死諸繫牢  
獄若聞此經尋即解了能書寫者其功德福  
無能稱計何況聞持懷抱誦說華香供養雜  
香澤香然燈幢幡若有聞持藥王菩薩往古  
學品受持思念之其福過彼衆物供養不可  
稱載若有女人聞此經法尋即受持便於此  
世畢女形壽後得男子若有女人於五濁世  
最後末俗聞是經法能奉行者於是壽終生  
安養國見無量壽佛與諸菩薩眷屬圍達生

寶蓮華坐師子座無姪惣癡除去衆結亦無貪嫉未曾懷恨適生其國得五神通遠不退轉不起法忍已逮法忍輒得覩見七十二億兆載江沙諸如來衆適見諸佛眼根清淨眼根已淨所見一切十方諸佛遙讚歎之善哉善哉族姓子汝乃值是能仁佛世聞佛所說正法華經受持諷誦爲他人說此功德福火不能燒水不能漂盜賊怨家縣官不侵千佛嗟歎不能究暢所獲功祚不可限量巍巍如是緣斯功德降伏衆魔棄諸怨敵度生死難周旋諸患又族姓子以是經法伏衆惡逆爲諸千佛所見建立擁護汝身天上世間而無

王法華經卷第九

疇匹自捨如來未有聲聞及諸菩薩功德福祐智慧定意無有等侶佛告宿華王菩薩若有人受是經者所逮聖明勢力盛德超越若斯是故仁者若有講說此藥王品有讚善者後生爲人口中自然優鉢華香身栴檀香若聞此經讚歎善者其人現在功德遠聞佛已

豫歎其人功德佛告宿華王吾以是經囑累汝等衆生喜見往古法品最後末俗五濁之世流布天下間浮利內無能中壞其魔波旬不能得便及魔官屬邪神鬼魅無能害者天龍羅刹鳩洹獸鬼無敢當者又宿華王是藥王品威德所立所流布處若有疾病聞是經法病則消除無有衆患因是功德後致正真無老病死若有比丘最後末世手執青蓮滿盛雜香供散法師心自念言假使有人求菩薩乘至此道場吾授斯華以爲草坐敷佛樹下降伏衆魔具足法鼓吹大法螺緣此濟度生死之海若大乘學見諸比丘持是經卷當觀其人功德如是佛說是藥王菩薩往古品時八万四千菩薩即逮得曉一切音方便懶持於時衆寶如來讚言善哉善哉宿華王菩薩卿能諮詢不可思議經典行業如來講說何以快哉

正法華經卷第九

在九

高麗刊

捎拂上所反嘴子委鷄鵠下音交精酷苦毒反笮香  
音責上音七故反四徼惜特梓下音字特父也酢澁上古音昨非也善也簡間字上声速私遠也響  
鑊上盧掌反割督下俱擊反苞必交憚難也洒  
洗鹿廣下俱漬溺反瀆上在智反颺蒲未反著於張  
虎號咷二字音反悲酸下蘇裸郎果反反亦体也胡

## 正法華經卷第十

西晉三藏竺法護譯

正法華經妙吼菩薩品第二十三

舊方刊

在十

於是世尊能仁如來即從眉頂大人之相演百千光照於東方千八萬百億江河沙諸佛國土靡不周遍過是諸佛土有世界名莊嚴  
照明其土有佛号離垢紫金宿華王如來至真等正覺與無央數諸菩薩衆眷屬圍遶宣布道化能仁如來所演光明遍照彼土又其佛土有一菩薩名曰妙音從過去佛殖衆德本供養無數百千光𠙴諸佛正覺每見諸佛諮詢受經典達成聖慧以得尊幢三昧定法華

三昧施離垢三昧樂宿王三昧無着光三昧慧印三昧普曉諸音三昧等集衆德三昧喜信淨三昧神足戲樂三昧慧光三昧嚴淨王三昧離垢光三昧離垢藏三昧無緣三昧目轉三昧取要言之普悉逮得億百千妓江河沙數諸三昧定其佛光明普遍周至照妙音

菩薩妙音菩薩蒙佛聖光自詣佛所白世尊曰我欲往詣至忍世界見能仁佛稽首作禮諮受經典及欲致敬文殊師利藥王菩薩妙勇菩薩宿華王菩薩尊意行菩薩淨王菩薩超藥菩薩諮講經義受諸不及令一切聞悉發道意其佛告曰往族姓子雖到彼土莫發異想而念其土懈廢下賤所以者何又族姓子彼忍世界其大陸地黑山雜糅衆垢石沙穢惡充滿谿間山谷不與凡同其土佛身卑小丈六菩薩諸身長七八尺又卿本體高四方二千踰旬而我現身八万四千踰旬端正殊好色像第一威耀殊妙相好顏色難可比